

**STUDIANTENAN DI IPA TA
PRESENTA PROYECTO DI
INVESTIGACION FINAL**



WWW.SOLODIPUEBLO.COM



SOLODIPUEBLO@GMAIL.COM

10 AÑA DI PRISON EXIGI PA HOMBER CU A CAUSA MORTO DI ARUBIANO GULIDO DI BOLITA



**TA UN BERGUENSA CU YA PA 7 LUNA
ARUBA NO TIN REPRESENTACION DI
UN GEVOLMACHTIGDE MINISTER DEN
CONSEHO DI MINISTER DI REINO**

A.T.A. A MOTIVA Y INSPIRA TALENTO LOCAL CU E CULINARY EDUCATION EXPERIENCE



**EDGARD VROLIJK Y
HENDRIK TEVREDEN DEN
PROGRAMA INTERES DI
PUEBLO**



Partido MEP

EDGARD VROLIJK Y HENDRIK TEVREDEN DEN PROGRAMA INTERES DI PUEBLO

Diasabra 4 di oktober proximo parlamentarionan Edgard Vrolijk y Hendrik Tevreden lo ta den e programa INTERES DI PUEBLO na radio Top FM.

Durante e entrevista cu Edmond Croes, Edgard Vrolijk lo elabora riba e puntonan importante di e reunionnan na Hulanda cu parlamentonan di Aruba Curacao Sint Maarten y Hulanda. Eynan na varios ocasion a bin puntonan crucial cu ta muestra cu e rijkswet no ta correcto.

Hendrik Tevreden lo elabora riba e accion di firma contra e RIJKSWET y e siguiente pasonan di MEP.

Tambe e parlamentarionan lo elabora riba salario di maestronan, mirando cu awor gobierno no kier cumpli cu e maestronan.

Sintonisa e programa di 11or am pa 1or pm via radio Top FM!



STUDIANTENAN DI IPA TA PRESENTA PROYECTO DI INVESTIGACION FINAL

Durante aña academico, Instituto Pedagogico Arubano (IPA) ta brinda diferente oportunidad pa studiantenan finalisa y presenta nan investigacion final. Diamars, dia 7 di oktober 2025, e prome grupo di studiantenan lo duna nan presentacion. IPA ta invita famia, conocir y tur esnan cu ta labora den e sector di enseñansa pa asisti na presentacionnan di e proyectonan di investigacion final di e studiantenan di e estudio pa Maestro di Enseñansa Primario y Pedagogisch Didactisch Getuigsschrift.

Den cuadro di finalisacion di e estudionan menciona, e studiantenan cu ta den e ultimo fase mester haci un investigacion tocante un tema cu tin di haber cu innovacion y desaroyo

den enseñansa. Banda di e investigacion e estudiante mester a desaroya material educativo relaciona cu e tema cu el a profundisa su mes den dje. Di e investigacion y material aki e estudiante lo duna un presentacion cu ta forma parti di examen final. Un investigacion y e investigado ta haya su balar y tin un impacto den nos enseñansa ora esaki ser comparti cu un publico amplio. Pa e motibo aki, IPA ta habri su porta pa tur cu ta interesa pa wak y siña di e presentacionnan di e investigacion cu studiantenan a realisa den practica. Nos ta encurasha en particular maestro- y docentenan cu ta interesa den un of mas topico pa probecha di e oportunidad special aki pa keda altanto di idea- y sugerencianan cu

abo tambe por incorpora den bo practica.

E presentacionnan lo tuma luga na IPA (Isaac Wagemakerstraat 11, San Nicolas) y ta di 14:00 pa 14:45 di atardi.

E temanan di investigacion y e studiantenan cu lo presenta ta:

Orario: 14:00 – 14:45
Enseñansa Primario (PO - Primair onderwijs)

- **Rozanne Clement:** Iedereen hoort erbij: Buitensluiten van leerlingen opsporen en vermindere in de klas, in de midden- en bovenbouw
- **Mirianne Gomez:** Taal als sleutel tot leren: Didactische strategieën voor het versterken van woordenschat bij meertalige leerlingen
- **Rowald Wever:** Van

Sept ronde | 2025-2026

Afstudeeronderzoek Presentatie

Datum: 7 okt 2025
Tijd: 14:00-14:45
Locatie: Instituto Pedagogico Arubano
Lokaal: 1, 2 en 3

"Knowledge increases by sharing but not by saving."
- Kamari aka Lyrical

Programma | 7 oktober 2025

14:00-14:45

Rozanne Clement: Iedereen hoort erbij: Buitensluiten van leerlingen opsporen en vermindere in de klas, in de midden- en bovenbouw

Mirianne Gomez: Taal als sleutel tot leren: Didactische strategieën voor het versterken van woordenschat bij meertalige leerlingen

Rowald Wever: Van boek naar beeldscherm: Effectieve integratie van digitale leermiddelen in mbo-zorgonderwijs (niveau 3 & 4)

boek naar beeldscherm: Effectieve integratie van digitale leermiddelen in mbo-zorgonderwijs (niveau 3 & 4)
Orario: 15:00

• Resultado di presentacion IPA ta desea e studiantenan exito cu nan presentacion di investigacion.

Parlamentario Danguì Oduber:

TA UN BERGUENSA CU YA PA 7 LUNA ARUBA NO TIN REPRESENTACION DI UN GEVOLMACHTIGDE MINISTER DEN CONSEHO DI MINISTER DI REINO



E Gabinete AVP-Futuro no solamente ta un gobierno sin vision, sin rumbo y sin direccion sino tambe nan ta un gobierno cu a desapunta pueblo y un berguensa grandi pa pais Aruba.

Ta insolito cu despues di 7 luna ainda Mike Eman no por convence Gerlien Croes pa acepta un candidato pa Gevolmachtigde Minister na Hulanda. Aruba ta pasando berguensa na Hulanda y den Reino pasobra ainda Aruba NO tin su representante den Consejo di Minister di Reino. Bo ta imagina cu ta e Gevolmachtigde Minister di Corsou ta representa interes di Aruba den e Consejo di Minister di Reino?? Tur esaki pa capricho di minister Gerlien Croes cu NO kier acepta te awe

pa sra. Desiree Croes bira Gevolmachtigde Minister.

Aruba tin un gobierno caminda un minister di Corsou ta representa nos den Consejo di Minister di Reino pasobra ainda minister Gerlien Croes NO por aproba un candidato di AVP pa bira Gevolmachtigde Minister na Hulanda. Nos ta corda con Gerlien Croes a insulta y humiya sra. Desiree Croes cu porcierto ta un candidato cu experiencia y bon prepara pa e funcion aki. E la bisa cu sra. Croes NO ta intergro y di e forma aki falta respet pa un persona cu un track record manera sra. Desiree Croes. Tur e falta di respet aki, segun Desiree Croes just pasobra sra. Croes lo a bisa Gerlien Croes cu e tin "lange tenen". Gerlien Croes a paga sra. Desiree

Croes bek y blokea su nombracion y enbes cu sr. Mike Eman PARA pa dignidad y integridad di sra. Desiree Croes, e la opta pa laga sra. Desiree Croes cay manera un patia berde! Consecuentemente awe despues di 7 luna ainda Aruba NO tin un representante den Consejo di Minister di Reino.

Con por ta posibel cu

despues di 7 luna ainda NO por tin un candidato cu ta cumpli cu e exigencianan di minister Gerlien Croes. E gobierno aki a demostra un incapacidad enorme pa goberna e pais aki, pa tuma decision pa mehora e calidad di bida di nos hendenan.

Nan NO por yega ni na un palabracion hunto kende mester ta e candidato

pa bira Gevolmachtigde Minister na Hulanda. Di e forma aki ta bergonsoso nos pais den Reino. Ta pesey nos pais no ta wordo trata cu respet y sr. Eman sigur no ta gosa di e respet aki.

Cu ni Gerlien Croes, sr Mike Eman no por convence, ta ki ta gobierno di Hulanda. Un situacion tristo y penoso pa nos pais!ac





Noticia di Corte

10 AÑA DI PRISON EXIGI PA HOMBER CU A CAUSA MORTO DI ARUBIANO GULIDO DI BOLITA-1-

ORANJESTAD – Awe mainta Corte di Husticia a trata e caso penal cu Ministerio Publico a cuminsa contra e homber G.E.T. (40), sospecha di a importa droga entre 24 y 26 December 2024 y cu a causa morto di Timoty D'Aguiar riba 26 December 2024. E defunto D'Aguiar a guli 42 bolita y 2 a kibra den su stoma.

SOLO DI PUEBLO por a compronde cu Fiscal a remarca cu algun aña pasa G.E.T. a wordo condena pa un caso similar caminda un gulido di bolita a fayece y awor ta bolbe haci mesun cos. Fiscal a exigí 10 aña di prison.

SOSPECHOSO A FIA E VICTIMA PLACA

Hues a puntra G.E.T., si e tabata involvi den transportacion di droga. Segun G.E.T. e tin un parti aden pero no a trafica droga. El a bisa Hues cu e ta hopi bon amigo cu Timoty y cu mientras cu e tabata sera den KIA, el a fia Timoty placa pa e bay busca droga na Colombia. Segun G.E.T., Timoty no tabatin trabao y cu Timoty a bis'e cu el a haya oferta di bay busca droga y cu e deal ta cu 60 porciento di e droga ta pa e doño y 40 porciento ta pa Timoty. Segun G.E.T., el a pidi Timoty fabor pa busca un hangua cu ta masha gusta pa hende usa. El a duna Timoty 400 dollar pa cumpra inyeccionnan. G.E.T. a bisa Hues cu for den KIA, e tabata yama Timoty na Medellin, Colombia y el a ripara cu Timoty tabata hopi droga. Despues Timoty a yama G.E.T. y bisa cu el a haya e bolitan y cu nan lo a horta e 400 dollar cu G.E.T. a dun'e pa cumpra inyeccionnan. G.E.T. a rabia cu su placa a desaparece. El a sigui bisa Hues cu despues Timoty a mand'e film con e ta baila y tabata mal droga. G.E.T. a bisa cu el a yama e pareha di Timoty, e dama Wolff pa bis'e cu Timoty no bula su siguiente dia den e estado cu e ta. Un dia despues Timoty ta yam'e y bise cu e no a bin cu droga pasobra e bolitanan ta mal traha y nan a laga drecha esakinan.

E VUELTA DI DROGA A FAYA DOS BIAHA

Hues a bisa cu e ta haya cu G.E.T. ta hopi involvi den kico Timoty ta haci. Segun G.E.T., e ta bon amigo di Timoty y pesey tabata preocupa cu algo ta pase. Tur e tempo ey G.E.T. ta sera den KIA. G.E.T. a sigui bisa cu un siman despues, Timoty a bay bek Colombia pa busca

e bolitanan. Na dado momento e amiga Wolff a notifica G.E.T. cu Timoty no a bin bek Aruba y e mester un ticket nobo. G.E.T. a manda placa pa un otro ticket. Segun G.E.T., door cu Timoty a droga, e no por a bin. A cumpra un otro ticket di mas cu 700 florin y asina Timoty a bin Aruba. Dia 29 November 2024, G.E.T. a sali for di KIA. El a massage Timoty y despues a bay bishit'e. El a haya Timoty mal droga. Nan a cuminsa papia atrobe. Despues Timoty a bisa G.E.T. cu cos ta hodigo y si por yud'e cu cen pa e bay haci un Vuelta na Colombia. G.E.T. a bisa cu e unico manera cu e por fia Timoty placa atrobe, ta si Timoty ta bay cu un hende pa wak p'e. E ora G.E.T. a pidi un amigo J.M.Z. pa bay cu Timoty. E amigo J.M.Z. a bay di acuerdo. G.E.T. a fia Timoty 400 dollar. Nan a bay Colombia. G.E.T. a bisa Hues cu dia 26 December 2024, Timoty a yam'e y a bisa cu tur cos a bay bon. G.E.T. a bisa cu el a bisa Timoty come bon pa asina e saca tur e bolitanan. Na dado momento Wolff a yama G.E.T. y bisa cu Timoty a bira malo y ta sinta den baño y no ta haci nada. G.E.T. a bisa Wolff pa yama ambulance y despues G.E.T. a haya sa cu Timoty a fayece. J.M.Z. a bay serca G.E.T. y bisa cu Recherche ta na su cas. G.E.T. a bisa J.M.Z. pa bay para e auto un caminda y e ta busca J.M.Z. y su amiga. G.E.T. a bay cu J.M.Z. y e pareha na su cas caminda el a splica nan pa nan prepara pasobra Polis lo detene J.M.Z. Un rato despues, Polis a bay na cas di G.E.T. y detene nan tur.

Hues a remarca cu en total G.E.T. a fia Timoty mas o menos 2500 florin. Hues a puntra, di unda G.E.T. a saca tur e placa aki siendo cu G.E.T. tabata sera. Segun G.E.T. mientras cu e tabata sera den KIA, e tabata fia placa na hende y gana porciento. El a bisa cu hende tabata haci'e p'e.

SOSPECHOSO TA RECLAMA SET UP DI POLIS

Hues a muestra cu dia 26 December 2024, Polis a haya informacion cu un homber a muri door di guli bolita. A resulta cu Timoty a guli 42 bolita cu ta 504 gram y 2 bolita a kibra den su stoma. Investigacion di Polis ta muestra cu e pareha di Timoty, Wolff, a bisa cu Timoty sa

bay busca droga na Medellin y bin bek. Wolff a sigui bisa cu ta di 3 biaha cu Timoty a bay busca droga y cu ta G.E.T. a mand'e. G.E.T. a paga e dos promer viahenan y estadia. J.M.Z. a bisa Polis cu ta G.E.T. a pidi'e pa bay y vigila Timoty. J.M.Z. a bisa cu e no a yuda Timoty guli bolitanan. Na Polis G.E.T. a bisa cu e no tin nada di haci cu e caso aki.

Den Corte, G.E.T. a bisa cu bisa Hues y Fiscal cu loke e pareha di J.M.Z., e dama Sanchez a declara no ta berdad. El a bisa cu e no a bisa Polis nada riba e preguntanan. Segun G.E.T., ora el a haya su declaracion pa firma, el a constata cu Polis a yena un di e preguntanan, siendo cu e no a duna contesta. El a reclama esaki na e team di investigacion y nan a bay drech'e. Hues a confronta G.E.T. chat entre Wolff y G.E.T., caminda G.E.T. ta bisa Wolff pa laga Timoty come pa saca nan mas liher posibel. Mester tin hopi hende. Hues a muestra cu tin chat entre Timoty y G.E.T., caminda ta papia di vueltan pa Colombia. Segun G.E.T., tur esaki ta un set up di Polis contra dje, pasobra Polis a coy cierto parti so di e chata pa laga muestra cu ta G.E.T. ta esun cu a manda Timoty. Fiscal a puntra G.E.T. pakico, despues di 9 luna sera, e ta tira culpa riba Polis di a set up y cu ta Timoty su culpa cu el a guli bolita y fayece. G.E.T. ta para riba cu e no tin nada di haci cu esaki y cu ta Polis a haci set up. G.E.T. a bisa cu e no tin confianza riba e team di investigacion.

Continuacion pag. 6

Clasificados

🚗
🏠
🛒
📄
🔧
👤



SOLODIPUEBLO@GMAIL.COM

CEL.585 9500

A.T.A. A MOTIVA Y INSPIRA TALENTO LOCAL CU E CULINARY EDUCATION EXPERIENCE



Aruba Tourism Authority (A.T.A.) a organisa e iniciativa Culinary Education Experience cu a tuma lugá di dia 22 te cu dia 25 di september. E iniciativa aki a hiba e meta pa inspira y motiva studiantenan di tres scolnan local den e mundo di gastronomía. Esaki ta un iniciativa cu ta forma parti di e Culinary Education Plan 2025, e acuerdo estratégico entre A.T.A. SEP y Colegio EPI, cual a ser firma riba 5 di augustus.

Otro iniciativanan ta inclui guest lectures y mas tayernan práctico.

E scolnan participante tabata EPB Oranjestad, EPB San Nicolas y Colegio EPI. E programa a consisti di cuatro dia unda studiantenan a bishita varios miembro di e industria. Asina por a duna e studiantenan un bista real riba e industria gastronómico di Aruba.

Un di e experiencianan



tabata e Fine Dining experience na Ever Restaurant, bou di dirección di chef renombra Ever de Peña. Aki, e studiantenan a siña di plating y creatividad culinario. Na T2Pan, bou di guía di experto Zaida Everon, e studiantenan a pone man na mansa preparando bolo, buscuchi y e famoso pan di sourdough. E tayer aki a duna nan un comprensión mas profundo di e arte di panadería artesanal.

Colegio EPI a bishita Bodegas Papiamento, caminda nan a haya e oportunidad pa traha nan propio juice, di caña cu nan mes a primi uzando un machine

special. E studiantenan a siña con Bodegas Papiamento ta cultiva hopi di nan ingredientenan localmente. E scolnan di EPB a bishita Pepe Margo Distillery, caminda e studiantenan a siña tocante historia di e destilería y e proceso pa produci licor. Nan por a mira di cerca y comprende e importancia di calidad y tradición den e producción di un producto local.

Un otro experiencia tabata un bishita cerca Santa Rosa, caminda nan a haya un tour guía y a siña tocante mata, fruta y animalnan local. E parte aki a enfatisa e relación entre agricultura local y tradición culinario.

E Culinary Education Experience a sirbi como un plataforma pa inspiración pero tambe un oportunidad pa networking. Hopi estudiante a sali motiva y cu mas claridad riba nan futuro den e sector. Otro resultado di e experiencianan aki ta cu studiantenan a haya diferente idea y a conoce di cerca diferente negoshi caminda nan lo kier haci nan stage.

A.T.A. ta gradici tur colaborador, chef, educador y negoshi cu a contribui y a yuda haci e experiencia aki uno exitoso. Boso apoyo ta forma e futuro di talento culinario Arubano!

10 AÑA DI PRISON EXIGI PA HOMBER CU A CAUSA MORTO DI ARUBIANO GULIDO DI BOLITA -2-

10 AÑA DI PRISON EXIGI

Fiscal a bisa Hues cu dia 26 December 2024, Polis a bay na un cas caminda un hende a muri door di droga. El a guli 42 bolitanan y 2 bolita a scheur. En total 504 gram di cocaina. E pareha di Timoty, Wolff, a bisa cu ta G.E.T. a manda Timoty busca bolitanan. J.M.Z. mester a viaha cu Timoty pasobra G.E.T. no ta confia Timoty pasobra 2 biaha Timoty no a bin cu e bolitanan. Den cellular di Wolff a haya chat di Timoty cu G.E.T. caminda ta saca afor cu G.E.T. a manda Timoty bay busca droga. Fiscal a muestra cu na October, November y December 2024, Timoty a viaha pa Colombia. Fiscal a muestra cu na Juli 2025, J.M.Z. a wordo condena na 2 aña di prison. E pareha di J.M.Z., Sanchez, a bisa cu Timoty lo mester a bay busca droga y J.M.Z. mester percura pa Timoty guli tur e bolitanan pa G.E.T. Fiscal a remarca cu despues di 9 luna, G.E.T. ta bin cu un storia no creibel cu Polis a traha un set up contra dje. Fiscal a bisa cu ta di lamenta cu G.E.T. ta culpa Timoty di cosnan y

Timoty no tey pa defende su mes. Fiscal ta haya cu Timoty a guli bolitanan riba orden di G.E.T. y J.M.Z. mester a contola cu Timoty ta guli e bolitanan. Fiscal ta haya cu G.E.T. ta culpabel di traficacion di cocaina y tambe cu G.E.T. a causa morto di Timoty. Fiscal a muestra cu na 2021, G.E.T. tabata envolvi den un caso di droga caminda un mula a muri door cu bolitanan di droga a kibra den su stoma. Esaki no a pone G.E.T. stop. Fiscal a exige 10 aña di prison pa G.E.T.

ABOGADO

Mr. D.Croes a bisa Hues cu e ta haya cu mester declara G.E.T. liber pasobra G.E.T. no tin nada di haci cu e traficacion di droga. El a muestra cu e defunto Timoty mes a bisa den chat cu e ta un mula loyal di cocaina. El a muestra cu den chat Timoty ta muestra con el a hera muri cu droga. Timoty a pidi G.E.T. f'ie placa pa e bay Colombia. Timoty tabata den un situacion financiero fastioso y lo tabata debe otronan cu e mester a cumpli cu droga. E abogado ta haya

cu e team di investigacion di Polis, a formula declaracionnan pa muestra cu ta G.E.T. a manda Timoty bay busca droga. Segun e abogado, G.E.T. a pidi J.M.Z. pa compaña Timoty pa percura cu e biaha aki si Timoty ta logra pa asina Timoty cumpli cu su obligacionnan. Na opinion di abogado mr. Croes, no por saca ningun prueba cu tabata e intencion di G.E.T. pa Timoty busca droga p'e. Ta Timoty tabata kier a bay pa su mes pa drecha su situacion financiero. E abogado ta haya cu no por tira culpa riba G.E.T. pasobra el a fia Timoty placa. El a muestra con Timoty tabata papia cu el a yega di guli bolitanan caba y trece Aruba. E abogado ta haya cu Timoty tabata conciente pa guli asina hopi bolita. E abogado a conclui cu G.E.T. no tin nada di haci cu e transporte di droga y e ta lamenta cu su amigo Timoty a fayece.

Hues a sera tratamiento di e caso y a bisa cu e ta bay studia e caso y 24 October 2025 lo tin sentencia.

LUNA DI OCTOBER CU MAS PREMIO Y DOORPRIZES NA THE CASINO AT ST. REGIS ARUBA

Orario nobo pa luna di October
The Casino at St. Regis Aruba
cu su orario nobo di dialuna pa
diabierna di 5:30PM – 2:30 am
y tur diasabra y diadomingo
di 7:30AM - 12PM y 5:30PM
-2:30PM, cu mas premio den luna
di October 2025

“Ascend & Win” gana tur dialuna
diamars y diaranson
Acumula 100 punto y gana \$10,-
den slot credit

Acumula 150 punto y gana \$15,-
den slot credit

Acumula 300 punto y gana \$30,-
den slot credit

“Haunted Thursday”

Tur diahubs dobel bo puntonan,
na caminda pa nos Haunted Cards
Halloween Party.

“The Friday Ritual”

Tur diabierna gana un total di

\$1000,- den premionan cash y
dinner for two

Exquisite Bingo

Tur diasabra y diadomingo di
7:30 am \$5000 na premio cash cu
doorprizes : Certificado pa Grano
Café , & Slot Credit di \$100,-
Dinner for two at Eskama Cucina
Italiana.

Jackpot progresivo na
AWG.29.360,-

“Weekend Fortunes”

St Regis y Ritz Carlton Casino,
lo tin den fin di siman un total
di diez mil dollar na premio. Tur
diabierna participa y gana \$5000,-
na The Casino di Ritz Carlton y tur
diasabra participa y gana \$5000,
-na The Casino di St.Regis.
Acumula 80 punto na machinnan
di slot of \$40, - na mesanan di
cada casino y ricibi un ticket pa
participa y gana dobel.



“Table for Two”

Tur diadomingo gana \$1000 na
premio cash y dinner for two na
Eskama Cucina Italiana.
Acumula 40 punto na machinnan

di slot of \$20, - na mesanan
di casino y ricibi un ticket pa
participa y gana.

Pa mas informacion, bishita nos
casino “VIP Desk” of yama nos na
tel: 2812374 Nos ta wardabo!


CAS DI CULTURA TA PRESENTA MADAME SPANTOZA'S MANSION

Oranjestad, Aruba — Cas di Cultura ta entusiasma pa anuncia Madame Spantoza's House of Horrors, un experiencia inmersivo unico tumando lugha na Paseo Herencia Ballroom di 28 pa 31 di oktober.

Bin explora e cas grandi intrigante y misterioso di Madame Spantoza, un lugha yena cu suspenso, sorpresanan y esenanan teatral inspira pa historianan clasico di misterio y leyenda. Cada camber ta ofrece un experiencia cuidadosamente diseña cu ta atrae e imaginacion y ta provee un anochi di entretenimento inolvidabel. Bishita e mansion di

Madam Spantoza 28–30 di oktober di 7:30 PM – 10:30 PM y 31 di oktober di 8:00 PM - 12:00AM. E evento aki ta recomendabel pa publico di 16 aña bai ariba, y bishitantenan bou di 16 aña mester ta compaña pa un mayor. Algun area ta inclui lusnan cu ta flicker y esenanan dramático, y ta conseha discrecion di mayornan.

Pa mas informashon tocante e evento ta encurasha bishitantenan pa sigui Cas di Cultura riba medionan social. Tocante Cas di Cultura Cas di Cultura ta e espacio di teatro y evento cultural nacional di Aruba, cu ta ofrece presentacionnan, exposicionnan y experencianan inmersivo



cu ta celebra e arte y cultura di e isla.

EN

Cas di Cultura presents Madame Spantoza's Mansion
Oranjestad, Aruba — Cas

di Cultura is excited to announce Madame Spantoza's House of Horrors, a unique immersive experience taking place at Paseo Herencia Ballroom from October 28th to 31st.

Guests are invited to explore the intriguing and mysterious mansion of Madame Spantoza, a place filled with suspense, surprises, and theatrical scenes inspired by classic stories of mystery and legend. Each room offers a carefully designed experience that engages the imagination and provides an unforgettable evening of entertainment. The experience will be open:

• October 28–30: 7:30 PM – 10:30 PM

ARUBA BANK TA ANUNCIA GANADORA DI MEGA CAR SALES 2025

Oranjestad, 1 di oktober 2025 — Aruba Bank ta felicita Sra. Georgina Marshall, e ganadora di e gran sorteo di MEGA Car Sales 2025.

Georgina a financia su auto nobo durante e periodo di campaña y awe e ta bai cas cu un auto completamente GRATIS.

Un premio extraordinario en connexion cu nan celebracion di 100 aña!


E sorteo a tuma lugha dia 30 di september y Georgina a wordo informa personalmente cu e ta e ganador.

Georgina a expresa su felicidad y gratitud profundo: “Ta prome biaha cu mi a gana algo!”

Aruba Bank kier gradici tur clientenan existente y nobo pa nan confiansa, tur car y motorcycle dealer pa nan compromiso pa logra e exito di e evento.



ARUBA Y PAHO/WHO TA FIRMA STRATEGIA DI COOPERACION 2025-2030



Oranjestad, Aruba – September 29, 2025
Gobierno di Aruba, representa pa Minister di Salubridad, drs. Melvin Wyatt-Ras, y Pan American Health Organization/ World Health Organization (PAHO/WHO), representa pa Dr. Jarbas Barbosa da Silva Jr, director di PAHO, a firma oficialmente e Country Cooperation Strategy (CCS) 2025-2030.

E documento aki ta establece un acuerdo di cooperacion historico cu tin como meta pa fortalece

e sistema di salubridad di Aruba y promove bienestar pa tur hende cu ta biba riba e isla.

E strategia a wordo desaroya den colaboracion estrecho cu Departamento di Salubridad Publico (DVG), sector di cuido, y diferente partnernan social y internacional. E CCS ta enfoca riba tres prioridad strategico:

- Fortalecimiento di sistema di salubridad pa amplia e Cobertura Universal di Salubridad y adaptabilidad.

- Prevencion y

control di enfermedadnan transmisibel y no-transmisibel, cu enfasis riba salud mental y cuido continuo.

- Promocion di colaboracion multisectoral, pa trata determinantenan social y ambiental di salud, incluyendo impactonan di cambio climatico.

Firmamento di e Strategia di Cooperacion 2025-2030 ta marca un paso importante pa un futuro di salubridad sostenibel, digno, accesibel y humano pa Aruba.

KICO TA PASA DESPUES DI CELEBRA WORLD TOURISM DAY? "SI NO CUIDA E WESO DI LOMBA, E CURASON NO LO SIGUI BATI"

E luna di september ta wordo dedica na Turismo. Aki na Aruba nos ta celebra e luna cu un atencion special na loke actualmente ta nos unico pilar economico, nos turismo. Nos isla a conoce un crecimiento inmenso cu mas di 1 miyon bishitante ya caba pa e aña aki segun datos di nos oficina di turismo - ATA. Pero en realidad kico e cifra aki ta significa pa e sector? No ta desconoci cu oficina di turismo a bin ta haci un tremendo trabao den posiciona Aruba riba mercado como un destinacion di preferencia pa nos bishitantenan. Como e isla den caribe cu e porcentahe di mas halto den bishitantenan cu ta bolbe Aruba, pues un resultado di promocion pa ta orguyoso di dje.

Recientemente den e conferencia di World Tourism Day organisa pa oficina di turismo - ATA, varios orador a presente incluso nos Minister di Turismo actual. "Curason di nos economia ta turismo" y "E weso di lomba ta nos hendenan". Nos kier para keto un rato y pone enfasis riba e realidad actual di nos turismo. Nos hendenan, considera como e weso di lomba di nos turismo ta e sector laboral cu mas ta sufriendo pa mantene e

'curason' aki na bida. Nos kier recorda nos Minister di Turismo cu sin e weso di lomba, e curason no por sigui bati na un manera saludabel. Cu esaki nos kier pa pueblo di Aruba reflexiona y analisa cu cada trahador den e sector aki ta sufriendo door di no ta creciendo man den man cu e industria. Mas di 1 miyon turista ya caba a bishita nos isla te cu September, y mirando e datonan, esaki lo sigui aumenta drentando high-season y mas sigur surpasa cifranan di 2024.

E ta dificil pa un Minister di Turismo duna un expresion asina aki cu yen orguyo si nunca no a cana ni biba den e sapato di e clase trahador den e sector aki. Bishita hotelnan y 'shake hand' cu un grupo di trahador scogi strategicamente pa e propio hotel mes, pa para cla y ricibi e mandatario no ta difini cu sa kico ta e calidad di bida di esnan cu mester duna e caluroso bon bini na cada un bishitante. E dolor di un mama of tata soltero cu ta saluda cada huesped tur dia cu un sonrisa pero tras di esaki tin un tristesa financiero cu no ta alcanza pa cubri gastonan na cas y calidad di bida cu ta den decadencia.

A yega tempo pa nos por



cuminsa na drecha e calidad di bida di esnan den e sector di turismo. Den e ultimo rapport di ATA (augustus 2025) por lesa cu e bishitante ta gasta un minimo di Afl. 5250 riba su estadia, cual ta un crecimiento di 12.3% compara cu augustus 2024. Cuanto di e 12.3% di aumento a bai pa drecha e calidad di e clase trahador. Cuanto aumento nos trahadornan a conoce durante e ultimo añanan siendo cu nos ta mirando un crecimiento stabiel di nos turismo pero mientrastanto nos por nota den prensa local cu mayoria hotel tin cupo di trabao pa ofrece, 'jobfair' na cantidad pero tanten cu no tin un solucion sostenibel pa yena e cuponan aki, hotelnan mester keda opera cu e cantidad di trahador

cu tin, poniendo tambe presion riba comunidad pa importa mas trahador.

Nos Rubianonan mester keda duna e servicio amabel di semper cu nos ta reconoci p'e sabiendo cu no tin adelanto, cambio of progreso paso gran parti no conoce un aumento. Un competencia enorme entre e hotelnan pa mantene trahador ta un señal bibo cu e clase trahador kier estabilidad y un mihor calidad di bida den e sector aki, pues ta bai pa un hotel cu ta brind'e mihor salario

y condicionnan laboral. Cuanto mas tin cu wanta e decadencia aki?

No por trata e curason so sin tene cuenta cu e bienestar di e weso di lomba. Na cada un Rubiano y inmigrante cu a scoge pa forma parti di nos isla y ta labora den e sector di turismo, Pabien! Y un feliz dia di turismo ainda. Keda duna semper e servicio y cordialidad cu nos ta conoci pe, esey ta haci nos e isla feliz cu ta keda yama cada un bishitante bon bini.

Clasificados

SOLODIPUEBLO@GMAIL.COM
CEL. 585 9500

UN HOMENAHE NA TUR HENDE CU TA SINTI SU MES UN ARUBIANO, CU TA STIMA Y ARUBA, Y CU DEN MAS CU UN OCASION A PASA NA CENSO PA UN OF OTRO DOCUMENTO



Rob Vermeer.
Un homenahe na tur hende cu ta sinti su mes un Arubiano, cu ta stima Aruba, y cu den mas di un ocasion a bay Censo pa un of otro documento.

Sr. Vermeer y Sra. Marjorie ta hopi conoci pa e pueblo di Aruba, desde su epoca di Checkpoint Color den Columbusstraat na Playa. Te awe, Checkpoint Color ta ofrese servicio di fotografia!

Directora di Censo, Sharin Luydens a habri e exposicion contando con Sra. Marjorie a aserca Censo pa e gran proyecto aki, y cu tabata algo cu nan a apoya dibiaha.

Sr. Leon M. Bérénos, chroniqueur y historicus a duna palabra y conta anecdota nan di su 63 aña di amistad cu Rob Vermeer.

Sra. Marjorie Vermeer y Natusha Croes tambe a hiba palabra di agradecimiento tambe.

E exposicion "NOS HENDE", recoleccion di diferente cara nan Arubiano, lo keda pa tres luna den edificio di Censo. Bunita trabou sigur.

Diario Aruba ta felicita henter e organizacion.



Na Censo di Aruba, awe tabatin e honor di presenta e exposicion "Nos Hende" di e fotografo reconoci Sr.



UN HOMENAHE NA TUR HENDE CU TA SINTI SU MES UN ARUBIANO, CU TA STIMA Y ARUBA, Y CU DEN MAS CU UN OCASION A PASA NA CENSO PA UN OF OTRO DOCUMENTO



Rob Vermeer.
Un homenahe na tur hende cu ta sinti su mes un Arubiano, cu ta stima Aruba, y cu den mas di un ocasion a bay Censo pa un of otro documento.

Sr. Vermeer y Sra. Marjorie ta hopi conoci pa e pueblo di Aruba, desde su epoca di Checkpoint Color den Columbusstraat na Playa. Te awe, Checkpoint Color ta ofrese servicio di fotografia!

Directora di Censo, Sharin Luydens a habri e exposicion contando con Sra. Marjorie a aserca Censo pa e gran proyecto aki, y cu tabata algo cu nan a apoya dibiaha.

Sr. Leon M. Bérénos, chroniqueur y historicus a duna palabra y conta anecdota nan di su 63 aña di amistad cu Rob Vermeer.

Sra. Marjorie Vermeer y Natusha Croes tambe a hiba palabra di agradecimiento tambe.

E exposicion "NOS HENDE", recoleccion di diferente cara nan Arubiano, lo keda pa tres luna den edificio di Censo. Bunita trabou sigur.

Diario Aruba ta felicita henter e organizacion.



Na Censo di Aruba, awe tabatin e honor di presenta e exposicion "Nos Hende" di e fotografo reconoci Sr.



Cualnan ta e beneficienan di consumi pepino cu frecuencia

Consumi pepino cu frecuencia ta hopi beneficioso pa salud. Ta trata di un berdura cu tin hopi propiedad beneficioso pa nos curpa.

Principalmente pasobra e ta aporta un gran cantidad di awa, loke ta convirti'e den un alimento abao den calorìa, hopi provechoso pa adelgasa.

Aunke casi tur hende ta pensa cu pepino ta un vegetal, en realidad ta trata di un fruta, ya cu e ta pertenece na e mesun famia cu ta inclui e milon, calbas y patia.

No obstante, ta sosode cu pa su sabor un tiki marga nos a custumbra di come den salada y otro preparacionnan similar.

Awe nos lo contabo den detaye e rasonnan pa cual ta hopi conveniente pa bo inclui e pepino den bo dieet. Mester consumi'e preferiblemente cu casca, cual ta rico den fibra.

Esaki lo yuda nos alivia algun inconveniente relaciona cu stima, manera acidez y pesadez.

Pepino den dieet

Pepino ta otorga bo hopi poco calorìa, ya cu gran parti di su contenido ta awa. E aporte calorico pa cada 100 gram ta di apenas 13 calorìa, di cual 97% ta likido.

Alabes, e ta abao den carbohidrato y tin un contenido eleva den vitaminan A, B, C y D, mescos cu mineralnan. Entre nan ta destaca hero, potasium, fosforus, calcium y magnesium.

Finalmente, e ta contene hopi fibra, pa cual consumi pepino cu frecuencia ta excelente pa dietnan cu finnan di perdida di peso. Pa su gran balor nutricional, nos por bisa cu

e ta un alimento extraordinario, ya cu e ta brinda beneficio pa e distinto aranan di nos organismo.

Beneficianan di consumi pepino cu frecuencia pa e cuero

Un di e usonan mas conoci di pepino ta relaciona cu e tratamentonan estetico. E casca tin cantidadnan grandi di vitamina C y acido cafeico. E micronutrientenan aki ta permiti reduci inflamacion, alivia iritacionnan cutaneo y en general, yuda pa mantene e cuero sano.

P'esey, e ta wordo usa cu frecuencia den tur tipo di tratamiento pa e cuero y pa e contorno di e wowonan. Fuera di esey, pepino tambe ta yuda combati enfermedadnan dermatologico manera psoriasis, eczema y acne.

Awo bon, e casca di pepino no solamente ta bon pa usa di forma externo. Tambe por bebe manera un shake. Cu awa y lamunchi e lo permitibo limpia y depura e organismo.

Beneficianan pa e tehidonan

E ingrediente aki ta contene cantidadnan importante di un componente conoci como silice. E compuesto aki tin e capacidad di fortalece y regenera e tehidonan di nos curpa. Entre e mas faborecidonan pa e ingesta di pepino nos ta haya e musculonan, e tendonnan, cartilago, ligamento y eso. Ta trata di un rason mas cu suficiente pa consumi pepino cu frecuencia como parti di un dieet.

Beneficianan pa e sistema cardiovascular

Pepino ta rico den diverso mineral manera e potasium y magnesium y den



fibra, den cual ta contribui cu un bon salud cardiovascular.

Dicho micronutrientenan aki ta faborece e circulacion di sanger, yudando preveni e aumento of den su defecto, reduci e presion arterial.

Beneficianan pa e digestion

A proposito di su alto contenido den mineral y vitamina, ora consumi pepino cu frecuencia, e ta yuda nos evita acidez y pesadez den e stoma.

Esey mester ta debi na su aporte di awa, fibra, magnesium y potasium. No obstante, mester tene presente cu e mineralnan aki por hay'e mayormente den e casca, asina di percura pa no kit'e.

Di igual manera, pepino ta funciona como un excelente diuretico, debi na su composicion acuoso. Tambe, e ta yuda elimina vetubica den e tehidonan y evita e retencion di likido.

Pepino como protector

Ademas di tur e beneficienan cu nos a menciona, ta ideal consumi pepino cu frecuencia dentro di e dieet ya cu ta resulta un extraordinario mecanismo pa proteha nos di factornan extremo cu por causa nos daño.

- Na prome luga, e ta drecha e mucosa intestinal y estomacal, pa cual e ta proteha ambos organo, simultaneamente e ta elimina e toxinan.

- Pepino tambe ta yuda na e bon estado di nos defensas. E ta conta cu un alto contenido di vitamina B complex, cu ta reforsa e sistema inmunitario. Di e mesun forma, vitamina C cu ta preveni verkoud y ta faborece e procesonan di cicatrizacion.

- E ta defende nos di e elementonan toxico cu por ta presente den alimentonan cu nos ta ingeri y en general, den medio ambiente.

Contraindicacion

Apesar di tur e beneficienan cu nos a splica, ta existi

algun contraindicacion. Principalmente, pepino ta contene un componente conoci como cucurbitacina, cu consumiendo den cantidadnan grandi, por causa gas y indigestion.

Pa e rason aki, ta recomienda consumi pepino di forma modera na esnan cu ta sufri constantemente di indigestion y gas.

Por ultimo, pepino ta altamente diuretico, pa cual por produci deshidratacion. Sin embargo, pa esaki sosode, ta necesario di a consumi un cantidad hopi halto di pepino.



 Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - October 03, 2025	
 Sorteo # 4761 5089 7261 1460	 Sorteo # 0x Jackpot 0x Match 4+ 0x Match 4 0x Afl. 12,00 140.000,-
 X2  Sorteo # 4761 8844	 Sorteo # 0x Match 4 0x Afl. 8,00 54.000,-
 X3  Sorteo # 2817 6066	 Sorteo # 0x Jackpot 0x match 4 0x Afl. 500,00 0x Afl. 50,00 0x Afl. 15,00 300.000,-
 Sorteo # 4761 0215 Aries	 Afl. 400.000,-
 Sorteo # 1635 717	 Sorteo # 
 FP	

 Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - October 03, 2025	
 Sorteo # 8664 8763 6887 4109	 Sorteo # 0x Jackpot 0x Match 4+ 0x Match 4 0x Afl. 12,00 140.000,-
 X2  Sorteo # 7708 0320	 03-12-15-26-28 Sorteo # 8956 0x Jackpot 7x Match 4 140x Afl. 8,00 54.000,-
 X2  Sorteo # 2413 4303	 Sorteo # 0x Match 4 0x Afl. 500,00 0x Afl. 50,00 0x Afl. 15,00 300.000,-
 Sorteo # 6467 0216 Leo	 Afl. 400.000,-
 Sorteo # 1397 997	 Sorteo # 
 X2	

REFLECCION

NA ESNAN CU TA BIBA

COMPANJA, BOSONAN NO SABI

CU RELACION SEXUAL PROHIBI,

TA UN CAMINDA PA FIERNO

E diabel ta purba cambia e moda di biba di hende, den e relacion sexual prohibi. E mundo por cambia, pero e palabranan di Dios nunca no ta cambia. Gobiernonan di mundo por pasa leynan cu ta contra di e palabranan di Dios, pero Dios ta bisa den Bijbel, Bijbel Malakias 3: 6 : "Ami Senyor, Mi no ta cambia." Bosonan no sa, cu tur relacionnan sexual pafo di e Sacramento di Matrimonio, ta un relacion sexual prohibi pa fierno. Den e di 9 Mandamento di Dios ta bisa: "Lo bo no comete e pika di fornicacion, fornicacion ta e relacion sexual prohibi pa Dios, esta : Na esnan cu ta biba companja, na esnan cu ta casa pa Raad so, e prostitutan y na e libertinahe sexualnan di tur clase. Bijbel 1 Corinthionan 6: 18 ta bisa: "Abstene boso di relacion sexualnan prohibi. Tur otro pika cu hende ta comete, ta tuma lugar pafo di su curpa. Ma esnan cu ta haci relacion sexualnan prohibi, ta peka contra di su mes curpa." Bijbel 1 Corinthionan 7: 2 ta bisa: "Ma, si ta pa e tentacion di haci relacion sexual pafo di matrimonio, anto ta mihor cu cada homber tin su mes esposa y cada muher tin su mes esposo." Bijbel Hebreonan 13: 4 ta bisa: "Tur hende mester respeta matrimonio den tur aspectonan y mantene e fieldad den e relacionnan entre esposo y esposa. Dios ta castiga na esnan cu tin relacionnan sexual prohibi y na esnan cu ta

comete adulterio." Bijbel 1 Tessalonicensenan 4: 2 – 5 ta bisa: "Boso conoce e instruccionnan cu nos a dunabo riba autoridad di Senyor Hesus. E boluntad di Dios ta, pa boso bira santonan y pa boso no tin relacionnan sexual pafo di matrimonio. Cu cada uno sabi di busca un esposa den cantidad y respet, sin laga e mal deseonan desvia boso, manera sa haci den e pueblonan cu no conoce Dios." Bijbel Colonsensenan 3: 5 y 6 ta bisa: "P'esey, mata tur loke ta keda di e mundo aki den boso, esta : Inmoralidad sexual, impuresa, mal pasion, mal deseonan y avaricia cu ta igual na idolatria. Pa motibo di e pikanan asina, Dios ta rabia y ta castiga na esnan cu no ta obedecel'E." Bijbel 1 Corinthionan 6 : 19 y 20 ta bisa: "Bosonan sabi esey, cu boso curpa ta tempel di Spirito Santo, kende ta biba den boso, kende boso a ricibi di Dios. Boso no ta di boso mes, boso ta cumpra y e prijs ta paga. Glorifica Dios anto den boso curpa." Bijbel 1 Corinthionan 6 : 9 y 10 ta bisa : "Boso no sabi, cu e inhustonan lo no drenta den e Reino di Dios? No ganja boso mes, na esnan den relacion sexual prohibi, na e sirbidornan di diosnan falso, na esnan den adulterio, na e homosexualnan di tur clase, na e ladronnan, na e alcoholiconan, na e blasfemadornan, na esnan golos pa plaka, na e abusadornan, ningun di nan lo no tin parti den e

Reino di Dios." Relacion sexual mester sosode solamente den e casamento den Sacramento di Matrimonio pa Dios, pa bo por ta salba. Bijbel Marko 10 : 6-9 ta bisa : "Ma na principio tempo di creacion, Dios a crea nan homber y muher. P'esey e homber lo bandona su tata y su mama, pa e uni cu su muher y e dosnan aki lo bira un solo curpa. P'esey, loke cu Dios a uni, hende no ta permiti di separa." Esaki ta e Sacramento di Matrimonio den Misa, na unda Dios ta uni e pareha den un solo curpa, pa medio di un sacerdote. Den e Sacramento di Matrimonio aki, Dios ta uni e pareha den nan bida sexual y den e un solo curpa aki, e muher no ta donjo di su mes curpa mas, sino su esposo, tambe e homber no ta donjo di su mes curpa mas, sino su senjora, lesa Bijbel 1 Corinthionan 7 : 4, loke Dios ta bisa di e pareha casa: "No ta e muher ta donjo di su mes curpa, sino su esposo. Tampoko no ta e homber ta donjo di su mes curpa, ma su senjora." Pesey e pareha ta keda casa te na morto y Dios no ta reconoce divorcio, pasobra e matrimonio ta un pacto di union di Dios e ta. Si e pareha a divorcia toch, anto nan mester laga e caminda habri y no mete cu ningun otro hende den nan bida. Pasobra e pika di adulterio, ta un caminda pa fierno despues di morto.

Seferino Tromp

SOPI DI LETRANAN

Familia

D	H	E	R	M	A	N	A	D	X	N	Z	W	R	K
B	J	R	O	H	Y	O	O	P	M	M	C	M	L	C
D	N	S	A	M	A	Z	N	W	D	K	O	Z	Z	B
F	O	L	Q	A	P	U	A	Q	Z	F	Q	S	Q	N
R	A	P	V	M	J	D	M	U	J	W	O	M	W	E
G	A	M	C	A	G	A	R	X	R	M	Z	E	P	M
P	L	U	I	M	O	T	E	I	I	U	P	B	V	X
C	E	I	A	L	V	K	H	R	I	K	X	A	S	K
Z	U	L	T	A	I	J	P	N	P	Q	A	P	P	D
I	B	H	I	O	P	A	F	L	K	O	J	E	O	A
F	A	M	A	N	F	E	A	Z	V	I	W	Z	N	T
Q	L	S	W	W	S	R	I	R	Q	K	O	J	R	I
A	E	X	M	R	J	R	T	O	S	C	I	I	I	H
H	H	Z	A	G	T	T	D	L	W	P	V	A	T	V
D	K	Y	W	H	G	A	B	U	E	L	O	Z	N	Q

ABUELA
ABUELO
FAMILIA
HERMANA
HERMANO
MAMA
PAPA
PRIMOS
TIA
TIO

SUDOKU

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		



Oracion di dia

Un feliz dia bendiciona yena cu gracia di Dios

"Lo Bo ta sacerdote pa semper na e mesun manera cu Melkisedec."
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion:Hesus mare nos tur por reconece cu Abo ta nos Rey di Husticia y acerca Bo curason misericordioso pa nos salvacion.
Amen

FORTALEZA PA FAMILIA

Scirbi pa Pastor Marcel Balootje.

AUMENTO DI PERSECUCION TA ANUNCIA BINIDA DI CRISTO HESUS

Den e buki di 2 Timoteo 3:12 ta para scirbi: Di berdad tur hende cu kier hiba un bida santo lo wordo persigui.

Pesey nos no mester keda stranjo ora persecucion cuminsa fuerte aki banda pasobra ta rond mundo lo e tuma lugar, y nos tambe ta forma parti di mundo.

Hesus a bisa cu nan lo persigui nos y mata nos pa motibo di su number, esey no ta conta pa e disipelnan solamente, pero pa tur esnan cu ta kere den Cristo Hesus.

Mirando e aumento di maldad y inmoralidad, nos tur sa cu e palabra di Dios, no ta cay den bon tera serca tur hende.

Pasobra no ta tur hende por soporta e berdad, No ta tur hende kier somete na mes na Dios, No ta tur hende kier biba un bida decente,

Tin hende bao di influencia diabolico. (Mateo 13: 42 y Juan 8:42-47), y esorto di hende nan aki kier debati tocante di e palabra di Dios, pasobra nan no kier scucha of sinja e palabra di Dios, pa nan arepentí y na bida wordo cambia, pero ta prefera di cuestiona, pa asina nan vocifera nan pensamiento, keriendo cu asina e palabra di Dios ta perde balor, of nan ta por troce of cambia e palabra di Dios.

Di berdad nos ta bibando den tempo trabahoso den cual hende ta wordo mata pa nan fe, den Dios, pesey



e palabra di Dios ta spierta nos hopi cla den Efesionan 6:10-11 bisando:

Finalmente sea fuerte den Senyor y den e forsa di Su poder. Bisti e armadura completo di Dios, pa boso por para firme contra e trampanan di e diabel.

No ta pornada a wordo scirbi den e buki di Isaías 5:20, Ay di esnan cu ta yama loke ta malo bon, y loke ta bon, malo, loke ta scuridat, lus y loke ta lus scuridat, loke ta marga dushi, y loke ta dushi marga.

Si nos nota bon riba caya caminda un grupo di hoben ta haciendo malo cu nan brommer, marcando propiedad di hende cu nan brommer, y mandando huma stinki riba hende, ningun ta bisa otro pa e stop, pero den un esfera di alegria ta sigi haci malo, manera algo cu mester wordo haci.

Tur local tin para scirbi den Romanonan 1:18-32 tocante Dios su furia contra humanidad, con

Dios ta splica tur cos tocante di esnan cu kier troce e palabra di Dios, toch hende no kier reconoce Dios y ta sigi den e caminda di inmoralidad cual ta hiba na morto.

Hopi biaha bo ta tende combersacion ignorante cual ta bisa cu hende mester muri di algo, pero local ta conta ta cu un hende mester tin Cristo Hesus den su bida, pa e ta salba, y pa ora e yega e momento pa e bay cas cu Senyor e bay den e lugar prepara pe. Pasobra nos tur sa ora un hende muri sin Cristo na unda e ta bay pasobra e no a kere den e Yiu unigenito di Dios.

Pesey sabiendo y mirando local ta biniendo pa mundo, nos mester para firme den nos Fe. (Mateo 24:4-5).

Nos mester tene bon cuenta cu nos conducta (2 Pedro 3:11-14).

Laga nos recorda local e palabra di Dios ta bisa: Aspira pa tin pas cu tur hende y santificacion, sin cual ningun hende lo no

mira Senyor. (Hebreonan 12:14).

Ta tempo pa tuma palabra di Dios na serio, pasobra Dios su palabra ta

cumpliendo cada dia.

Nos unico speranza berdadero cu nos tin ta nos salvacion den Cristo Hesus.

**UN BITTER
DI MAS...**

**POR
STROBA
BO DI
YEGA CAS.**



**E
DESICION TA
DEN BO MAN**



FORTALEZA PA FAMILIA

Scirbi pa Pastor Marcel Balootje.

UN TATA RESPONSABEL



E ta zona doloroso, y mas ainda fuerte pa scirbi, cu nos tin hopi homber, pero poco tata.

Tin hopi tata cu no sa, of a lubida, tin di nan ta manipula, of no kier carga nan responsabilidad como tata.

Ta facil pa traha un yiu, pasobra mayoria homber cu drumi cu un muher por traha un yiu, segun e naturalesa cu Dios mes a crea. Si nan ta desea esey y si nan ta completamente bon di salud.

Pasobra ta esey ta e unico forma pa poblacion por multiplica ora un homber y un muher tene relacion sexual cu otro.

Pasobra ta solamente na un homber y un muher Dios a duna e funcion ey.

Awor deber di un tata na prome lugar ta pa Stima su Esposa. (Efesianan 5:25).

Un tata mester por guia su hogar, Spiritualmente. (Josue 24:15).

Un tata mester provee pa su Familia (1 Timoteo 5:8).

Un tata su deber ta pa comparti sabiduria cu su Familia, especialmente den cos cosnan di Dios, pa asina e por tin un hogar

sano y cu respet, norma y balor.(Deutoronomio 6:6-7-8).

E curason di un tata mester ta un curason cu ta perdona, pa asina henter e Familia por tin bon ehempel, di e boluntad di Dios.(Mateo 6:14-15).

E posicion duna pa Dios na un tata no ta negociabel, pesey Dios a pone como cabes di cas.(1 Corintionan 11:3).

Deber di un tata , ta pa coregi su su yiu, y no laga cos bay for di man, tuma tempo pa bo hogar, y no duna oportunidad na diabel.(Hebreonan 12:7).

Un tata mester exhorta su familia, den amor di Cristo Hesus, papia cu nan como tata y como amigo, sinta na mesa y dialoga, duna consejo y tuma consejo, pa asina bon comprendemento por reina den cas y un por conseha otro.

Dios no ta yama ningun tata, pa ta spantado di su familia, cu un cara sera constantemente, manteniendo su familia bao di stress cu su comportacion, pensando cu ta asina ey e por controla e asuntonan familiar, esey no ta funciona asina.

Mi yiu nan tende instruccion di un tata, y paga atencion pa boso hanja comprendemento.(Proverbionan 4:1).

Un tata mester di yudansa di Dios pa guia su Familia, bo no por guia bo familia segun consejo di amigonan, na trabao of bao di palo , of ora ta dal serbes na chines, esey hopi biaha ta conseho nan carnal, cu

no por solucciona ningun problema, pasobra cada cas tin su crus, y a base di e relacion cu e tata tin cu Dios, Dios lo yude guia su familia.

Familia ta algo di hopi balor, y perdida di familia ta haci hopi dolor . Especialmente ora e familia dividi, y e yiu cu bo tabata carga, of cu tabata sinta riba bo pia, of cu tur atardi tabata corre bon duna bo un brasa ora bo yega for di trabao, awor a bira e yiu cu bo tin cu traha afspraak pa papia cune of hasta mire, pasobra bo a negligia bo familia.

Awor como tata nos tur ta mira cu pa motibo cu hopi tata a negligia nan deber, e problema social bao di hoben ta grave.

Awor kico ta nos deber como tata, nos no por para keto, tampoco tira falta riba amigo y gobierno.

Nos mester acudi cerca Dios, pasobra ta Dios a duna nos e autoridad pa bira tata, pesey den tur situacion nos mester consulta cu Dios. (2 Cronicas 7:14).

Awor mas cu nunca tur tata mester aserca e trono di gracia di Dios.

CROSSWORD

WORD SEARCH PUZZLE

Birds

CROSSWORD PUZZLE

9 Down

10 Down

6 Down

13 Down

ACROSS

2. Big Bird's color
5. parts of a bird's body used for flying
7. birds eat these long thin animals that live in the ground
11. another word for beak
12. the musical sound of a bird call
15. a tall plant that birds use to rest in and for food
16. This small bird comes in many colors, likes seeds, and has a cheerful song.
17. a big blue space above the Earth
18. a swimming bird
19. a bird lays its eggs and takes care of its young in this

DOWN

1. a wing's movement when flying
3. shell-covered oval objects laid by birds
4. animals with wings, feathers, and beaks
8. a bird that is dark gray with an orange breast
12. small things birds eat that come from plants
14. the hard pointed part of a bird's mouth
16. to move through the air using wings